

Kronoberg Vårdval – mjesto na kojem građani biraju svoj okružni zdravstveni centar

Vårdval Kronoberg je program koji građanima općine Kronoberg omogućuje da odaberu okružni zdravstveni centar po svom izboru. Možete odabrati okružni zdravstveni centar koji najbolje odgovara Vašim vlastitim zahtjevima i potrebama. Svi građani se dodjeljuju odabranim okružnim zdravstvenim centrima, a ovi svoje aktivnosti moraju prilagoditi broju građana koji se za njih opredijeli. Cjelokupni popis okružnih zdravstvenih centara možete pronaći na Internet stranici općine www.ltkronoberg.se/vardval.

Kako da odaberem?

Okružni zdravstveni centar možete odabrati u svakom trenutku, a ako niste zadovoljni svojim odabirom, možete odabrati neki drugi centar. Taj odabir se vrši pismeno – popunjavanjem obrasca za prijavu koji se može preuzeti s Internet stranice općine www.ltkronoberg.se/vardval ili dobiti lično u bilo kojem okružnom zdravstvenom centru ove općine te, alternativno, poručiti preko servisa za okružne zdravstvene centre (broj telefona 0470 58 96 60). Ukoliko ste potpuno zadovoljni okružnim zdravstvenim centrom koji Vam je dodijeljen prema Vašoj adresi stanovanja, nije potrebno da šaljete obrazac za prijavu za taj okružni zdravstveni centar.

Četiri osnovne ideje

Odabir okružnog zdravstvenog centra općine Kronoberg zasniva se na četiri osnovne ideje.

- Sloboda izbora – stanovnici općine dobivaju mogućnost da odaberu okružni zdravstveni centar koji na najbolji način zadovoljava njihove osnovne zahtjeve u pogledu izvanbolničke zdravstvene njege te medicinskih usluga. Okružni zdravstveni centri moraju primiti sve pacijente koji se za njih opredijele i prilagoditi im resurse svojih usluga.
- Dostupnost – lakše je zatražiti i dobiti zdravstvene usluge. Cilj je postići nivo dostupnosti koji je viši od minimalnog koji je zajamčen za zdravstvenu njegu. To također može značiti da je lakše zakazati posjete ljekaru te da okružni zdravstveni centri nude bolje radno vrijeme od onog koje se trenutno nudi.
- Različitost – jedan od ciljeva je da se građanima omogući odabir između većeg broja pružalaca zdravstvenih usluga u odnosu na broj koji se trenutno nudi.
- Troškovna djelotvornost – sistem će biti osmišljen tako da omogući poboljšanu troškovnu djelotvornost.

Odobreni okružni zdravstveni centri

Neophodno je da okružni zdravstveni centri općine Vårdval Kronoberg prime odobrenje okružnog vijeća Kronoberg. Da bi primili ovo odobrenje, neophodno je da centri zadovolje osnovne zahtjeve koje predviđa okružno vijeće, a koji se odnose na osnovnu zdravstvenu njegu i usluge medicinske njege, savjetodavne usluge, preventivne mjere, rehabilitacijske usluge, usluge pedijatrijske zdravstvene njege te psihijatrijsku ekspertizu. Neophodno je i da okružni zdravstveni centri u potpunosti budu sukladni zakonima i propisima koji se odnose na zdravstvenu i medicinsku njegu te da održavaju visoke nivoe stručnosti i pružaju zdravstvenu njegu dobrog kvaliteta. Odobreni okružni zdravstveni centri mogu se lako prepoznati po istaknutim oznakama Vårdval Kronoberg.

Stručnost

Neophodno je da sve osoblje koje pruža zdravstvenu njegu i medicinsko osoblje i uposlenici u centru imaju obaveznu državnu dozvolu za rad i položen stručni ispit. 75 % ili više konsultanata-specijalista u svim okružnim zdravstvenim centrima moraju biti ljekari opće prakse, a najmanje 50 % medicinskih sestara moraju biti obučene okružne medicinske sestre.

Zdravstveni i medicinski fondovi

Svaki okružni zdravstveni centar koji je obuhvaćen programom izbora zdravstvenog centra prima finansijsku kompenzaciju od okružnog vijeća na osnovu broja pacijenata koji su se opredijelili za taj zdravstveni centar. Ova kompenzacija, poznata i kao zdravstveni i medicinski fond, razlikuje se zavisno od starosne dobi građana. Pacijenti plaćaju identične nadoknade u svim okružnim zdravstvenim centrima obuhvaćenim programom Kronoberg Vårdval izbora zdravstvenog centra. Ista pravila se odnose i na one koji plaćaju maksimalni iznos za zdravstvenu njegu i na one koji imaju besplatnu zdravstvenu njegu.

Praćenje

Okružno vijeće će pratiti sve aktivnosti kako bi osiguralo da svi okružni zdravstveni centri poštuju predviđene smjernice i zahtjeve. U slučaju da neki okružni zdravstveni centar ne zadovolji ove zahtjeve, okružno vijeće može smanjiti za njega predviđeni zdravstveni i medicinski fond.



Simbol koji označava okružni zdravstveni centar koji ima odobrenje općine Kronoberg.